



REPUBLIKA E KOSOVËS - REPUBLIKA KOSOVO	
KOMUNA E VUSHTRRIË-OPËSTINA VUÇITRN	
01 Nr. / Br	147/23
Nr. i fq. / Br. st	- 12 -
Data: / Datum	29. 06. 2023
VUSHTRRI - VUÇITRN	



REPUBLIKA E KOSOVËS

KUVENDI I KOMUNËS-VUSHTRRI

**PROCESVERBAL**  
**NGA MBLEDHJA E -V- E RREGULLT E KUVENDIT TË KOMUNËS SË**  
**VUSHTRRIË, MBAJTUR MË 31 MAJ 2023**

*Mbledhja është mbajtur në sallën e Kuvendit të Komunës së Vushtrrië, duke filluar në orën 10:15. Në këtë mbledhje ishin të pranishëm anëtarët e Kuvendit të Komunës së Vushtrrië:*

Adnan Lahu, Agim Bregaj, Agron Përçuku, Alban Bajrami, Ali Januzi, Arlind Gogolli, Behar Duraku, Bekim Zabërgja, Blerina Shala, Bujar Pllana, Edona Gashi, Fakete Dushi, Fatmire Cecelia, Faton Hyseni, Galip Audiu, Gresa Muli, Gentiana Rama, Ilmi Azemi, Kushtrim Hyseni, Leonora Gërguri, Lorik Maxhuni, Mek Selaci, Melihate Basholli-Latifi, Mensur Kasumi, Mensur Kastrati, Mentor Hasani, Nasuf Aliu, Nurie Halili, Nurten Çerkezi-Gjyshinca, Refik Maloku, Shkelzen Xhaferi, Spasoje Stefanoviq, Sylejman Meholli, Ymer Haradinaj dhe Zojë Hajrizi.

Mbledhjen e hapi dhe e kryesoi Melihate Basholli-Latifi, – kryesuese e kuvendit, e cila konstatoi se në sallë janë prezent 35 anëtarë të kuvendit, kuorum i mjaftueshëm për zhvillimin e punimeve të mbledhjes plenare dhe për marrje të vendimeve të plotfuqishme, andaj procedoi me rendin e ditës.

Të pranishëm në këtë mbledhje ishin edhe Kryetari i komunës, z. Ferit Idrizi, nënkryetari i komunës z. Shpëtim Zhegrova, përfaqësuesi i KFOR-it, përfaqësuesi i OSBE-së, përfaqësues të mediave të shkruara dhe elektronike, përfaqësues të shoqërisë civile.

**Melihate Basholli-Latifi, Kryesuese e Kuvendit**-paraqiti para kuvendit pika e dërguara në të ndryshme për ti inkorporuar në rendin e ditës.

**Adnan Lahu, anëtar i kuvendit** –ngriti shqetësimin e tij lidhur me vendimin e kuvendit për caktimin e kahjeve për disa rrugë në qytetin e Vushtrrië, e pas këtij vendimi disa nga kahet e këtyre rrugëve kanë ndryshuar, dhe nuk janë në përputhje me vendimin që e ka aprovuar kuvendi. Por lidhur me këtë çështje kemi edhe ankesa dhe një peticion të qytetarëve që kanë theksuar se caktimi i kaheve të këtyre rrugëve i ka dëmtuar bizneset e tyre. Andaj ai kërkoj sqarime se përse nuk po zbatohet vendimi i kuvendit dhe duhet konstatuar se ky vendim ai cenon interesat e bizneseve.

**Ferit Idrizi, kryetar i komunës**- tha se të gjitha vendimet që i kemi marr bashkërisht në kuvend, ka pasur për intencë, lehtësimin dhe mbrojtjen e interesave qytetare. Lidhur me vendimin për kahet e rrugëve, njoftoi se është ndryshua sa i përket rrugës tek spitale, pasi ka pasur pengesa në qarkullim. Në këtë kontekst janë duke u bërë disa analiza dhe vendimi do të sillet para kuvend për ndryshimet e duhura. Pastaj lidhur me peticionin për rrugën “Galip Badivuku” sqaroi se ajo rrugë ka qenë rrugë njëkahore, dhe nuk e di sa çfarë inpakti ka mundur të ketë. Më tej vlerësoi se me

Drejtorinë e Shërbimeve Publike do të analizojnë edhe rrugë tjera dhe konfom gjendje do të merren vendime adekuat për qarkullimin sa ma të lirshëm të komunikacioni në qytet. Në fund ceku se nëse konstatohet se vendimi për këto rrugë ka dëmtuar bizneset në Komunën e Vushtrrisë, atëherë ky vendim do të ndryshohet në kuvend.

**Sylejman Mehulli, anëtar i kuvendit** –pyeti se a është duke u zbatuar vendimi i kuvendit për subvencionimin e nënave respektivisht për fëmijët e porsalindur në vlerë prej 120 €, sepse ka shumë ankesa që këto subvencione nuk i kanë marrë nënat që kanë lindur fëmijë gjatë kësaj periudhe të këtij viti.

**Nexhmedin Rashica, drejtor i DSHPS-së-sqaroi** se fëmijët e porsalindur janë subvencionuar në këtë vit në vlerë prej 9900 € në total, por ka problem për sa i përket fakti se vlera e subvencioneve është e limituar në krahasim me nevojat që kemi, prandaj do të mundohen të gjendet një formë për përmbushjen e obligimeve që dalin nga vendimi i kuvendit.

**Isuf Jashari, drejtor i DBF-së-** sqaroi se bazuar në instruksionet e Ministrisë së Financave, jemi të obliguar të bëjmë ndryshimin e vendimit të kuvendit sa i përket vlerës financiare prej 10,000 € e cila baret nga kategori paga dhe mëditje në kategorinë e subvencioneve. Andaj ndryshimi i këtij pozicioni intrferon në ndryshimin e dy vendimet me numër të protokollit 79/23 dhe 80/23 të datës 30.03.2023.

**Adnan Lahu, anëtar i kuvendit** –tha se nuk ka pasur qasje nga njerëzit profesionit në hartimin e këtyre politikeve dhe vendimeve për bartjen e të hyrave vetanake, sepse ata nuk janë lejuar të punojnë, ndërsa për këtë LDK nuk e kishte përkrahur këtë politikë. Ai vlerësoi se kritika që i ka adresuar LDK në kuvend kanë qenë konstruktive, ndërsa ato është dashur të merren si të mirëseardhura e jo të përdoret arroganca e numrave.

**Sylejman Mehulli, anëtar i kuvendit**–në emër të grupit kuvendar të LVV-së , propozoi që Avni Imerit, t'i jepet çmimi “Emblema e Komunës” post-mortum për veprimtarinë e tij patriotike si njëri ndër themeluesit e Zonës Operative të Shalë të UÇK-së.

**Ferit Idrizi, kryetar i komunës-deklaroi** se nuk është asnjëherë rezistentë ndaj kritikave dhe është hapur për mendimin ndryshe. Për ndryshimin e vendimeve për bartjen e të hyrave ceku se është kërkesë e ministrisë së linjës për ndryshimet e kërkuara.

**Në fund të debatit jashtë rendit të ditës dhe për rendin e ditës, Kuvendi pas votimit me vota “unanime” aprovoi këtë:**

## R E N D I T E

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 27 prill 2023;
2. Shqyrtimi dhe aprovimi i Propozim- vendimit për ndarjen e dekoratave dhe mirënjohjeve për “Ditën e Çlirimit”;
3. Shqyrtimi i Propozim-vendimit për ndryshimin dhe plotësimin e vendimit me numër të protokollit nr.79/23 i datës 30.03.2023 për Bartjen e të Hyrave vetanake të tejkaluara nga viti 2022 në vitin 2023;
4. Shqyrtimi i Propozim-vendimit për ndryshimin dhe plotësimin e vendimit me numër të protokollit nr.80/23 i datës 30.03.2023 për Bartjen e të Hyrave Vetanake nga viti 2022 në vitin 2023;
5. Shqyrtimi dhe aprovimi i Draft – Rregullores për Punën e Komiteteve dhe Komisioneve të Kuvendit të Komunës së Vushtrrisë;

6. Shqyrtimi i Informatës lidhur me gjendjen dhe mbrojtjen e pyjeve në Komunën e Vushtrrisë për vitin 2022;
7. Shqyrtimi i Propozim-vendimit për kompensimin të anëtarëve të Komisionit për verifikimin e procesit të dhënies në shfrytëzimin të pronës komunale;
8. Të ndryshme.

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 27 prill 2023;

**Pas shqyrtimit të kësaj pike të rendit të ditës, Kuvendi me vota “unanime”, aprovoi procesverbalin nga mbledhja rregullt e Kuvendit të Komunës së Vushtrrisë, mbajtur më datë 27 prill 2023.**

2. Shqyrtimi dhe aprovimi i Propozim- vendimit për ndarjen e dekoratave dhe mirënjohjeve për “Ditën e Çlirimit”;

**Ilmi Azemi, anëtar i kuvendit**-deklaroi se nuk mund të kalohet në votimin e pikave dy dhe tre pa u votuar pika e parë që janë propozimet për mirënjohje. Ndërsa shtoj se kur janë bërë këto propozime për çmimet e rëndësishme a ka pasur konsultim paraprak sepse vërtet është duke u vepruar në humbjen e vlerës së këtyre çmimeve të nderit, duke ndarë për dy apo tre persona çmimi i njëjtë. Pastaj shtoj se është dashur të ketë konsideratë për ndarjen e këtyre çmimeve duke e ruajtur vlerën dhe jo të propozohet sipas stilit kush të mundet më parë, sepse vërtet kështu janë duke u degraduar vlerat e njëmenda të titujve dhe personaliteteve të respektuara të komunës sonë dhe më gjerë. Në fund ai propozoi z.Habib Mustafa për mirënjohje, por nëse gjendet se ka marr më herët mirënjohje ai e tërheqë propozimin.

**Ferit Idrizi, kryetar i komunës**-tha se ndarja e këtyre titujve dhe dekoratave nuk e zbeh vlerën por vetëm sa e pasuron historinë dhe kujtesën tonë kolektive për figurat dhe personalitet tona të njohura që kanë kontribuar për lirinë dhe çështjen kombëtare në periudha të ndryshme. Andaj propozimet e tilla që janë proceduar, duhet aprovuar, sepse aprovimi i tyre do ti bëj nder këtij kuvend dhe komunës në përgjithësi, kërkoj nga kuvendi që në mënyrë unanime të aprovoj këto propozime për këto dekorata. Në vazhdim ai në mënyrë të veçantë arsyetoi të gjitha propozimet për titujt dhe çmimet që janë propozuar për personalitete të ndryshme dhe kërkoj që ato të aprovohen me votë nga secila parti politike e përfaqësuar në kuvendin e komunës pa pasur asnjë ndarje politike apo partiake.

**Faton Hyseni, anëtar i kuvendit** –paraqiti vërejtjet e tij sa i përket listës për ndarjen e mirënjohjeve, e paraqitur nga organizatat e luftës së UÇK-së , ku vlerësoi se secilit ushtarë të UÇK-së ai i përkulët për sakrificën që ka bërë në luftë, por nuk pajtohet që njërit nga të propozuarit z.Gëzim Saraçi ti ndahet mirënjohje sepse i njëjti pas luftës ka ushtruar pozitën e Drejtorit të Inspektiveve dhe qytetarët kanë pasur shumë vërejtje për punën e tij, kjo nuk është në rregull dhe nëse ky njeri mbetet në listë vota e tij do të jetë kundër.

**Adnan Lahu, anëtar i kuvendit** –tha se vërtet është duke u degraduar vlera e mirënjohjeve, duke shpallur nga dy apo tre propozime për një çmim, dhe shtoj se si LDK nuk janë kundër askujt por kërkojë që herëve tjera të shmanget kjo praktik e keq dhe të zbatohet rregullorja për dekorata që është aprovuar nga kuvendi.

**Ymer Haradinaj, anëtar i kuvendit** –në listën për mirënjohje post-mortum propozoi Dalip Malokun, i cili ka qenë pjesëtarë i UÇK-së, me komandantin Gani Imeri. Dalipi pas luftës kishte

shkuar në Turqi për të studiuar për teologji por fatkeqësisht ai humbi jetën tragjikisht në basenin e Gërmisë. Sot rruga kryesore në fshatin Stanoc i Epërm mbanë me krenari emrin e tij. Pastaj propozoi që listës për mirënjohje t'i shtohet edhe emri i z.Rasim Vatovcit, i cili është një fermerë i vyer i Komunës së Vushtrrisë dhe ai meriton të nderohet me mirënjohje për punë e tij të madhe që bënë në lëmin e bujqësisë në rritjen e krerëve të lopëve.

**Bekim Zabërgja, anëtar i kuvendit** –vlerësoi se është mirë që është ngritur një komision për ndryshimin dhe plotësimin e Rregullores për Dekorata, sepse kjo rregullore është e mangës, ku vetëm në dy raste janë cekur numri i çmimeve dhe mirënjohjeve që mund të ndahen, ndërsa nuk është përcaktuar as forma e votimit.

**Mek Selaci, anëtar i kuvendit** –propozoi që t'i ndahet mirënjohje z. Bashkim Musa, i cili punon në Xhami në qytet si mezinë, por i cili po merret me organizime humanitare për familjet skamnore.

**Ali Januzi, anëtar i kuvendit** –propozoi z.Avdi Ukës, ti ndahet mirënjohje për veprimtarinë e tij patriotike, i cili ishte minator në Trepçë, dhe shqyhej për veprimtari dhe rezistencë ndaj okupatorit serb në kohën e grevës së minatorëve në vitin 1989.

**Ilmi Azemi, anëtar i kuvendit**-deklaroi se e propozon t'i ndahet mirënjohje z.Avdi Gelën i cili ishte ushtarë dhe veteran i UÇK-së si dhe veteran i arsimit.

**Sylejman Mehollli, anëtar i kuvendit**-propozoi të nderohet me mirënjohje post-mortum z.Shefki Pajaziti, një veteran i luftës çlirimtare, ushtarak i FSK-së i cili ka ndërruar jetë së fundmi dhe ka lënë pas veti një veprimtari të begatë patriotike dhe atdhetare.

**Fatmire Cecelia, anëtare e kuvendit**-kërkoj nga asamblistët që të respektohet lista e propozuar për mirënjohje nga shoqatat e luftës së UÇK-së, sepse ata po nderohen për kohën e luftës, dhe mos të kthehen gjërat në personale. Tutje propozoi z.Halim Aliun ish-policë mirënjohje post-mortum.

**Lorik Maxhuni, anëtar i kuvendit**-propozoi që t'i ndahet mirënjohje z.Avdyl Bahtirit ish-mësimdhënës dhe ish veteran i Ushtrisë Çlirimtare të Kosovës, i cili dha kontribut në themelimin e UÇK-së në Zonën Operative të Shalës.

**Behar Duraku, anëtar i kuvendit**-propozoj t'i ndahet mirënjohje z.Nazif Aliut.

**Blerina Shala, anëtare e kuvendit**, propozoj t'i ndahet një mirënjohje z.Vedat Hysenit, për kontributin e dhen në luftën çlirimtare të Kosovës.

**Faton Hyseni, anëtar i kuvendit** –propozoi që t'i ndahet një mirënjohje z.Driton Zabërgja, ish-pjesëtarë i UÇK-së, veteran dhe eprorë i lartë në Policinë e Kosovës.

**Agim Bregaj, anëtar i kuvendit** –propozoj t'i ndahet mirënjohje z.Muharrem Bregaj veteran i Ushtrisë Çlirimtare të Kosovës.

**Agron Përçuku, anëtar i kuvendit** –propozoi ti ndahet mirënjohje znj. Selvete Sholla, ish asamblistët dhe veterane e arsimit.

**Kuvendi me vota “unanime” emëroj komisionin për mbarëvajtjen e procesit të votimit lidhur me ndarjen e mirënjohjeve në përbërjen si në vijim:**

Nurie Halili, PDK;  
Edona Gashi, LDK;  
Ymer Haradinaj LVV.

**Në vazhdim kuvendi pas votimit me vota “unanime” lidhur me propozim-vendimin për ndarjen e titullit “Qytetar Nderi” vendosi me sa vijon:**

1. Me këtë vendim, në rastin e shënimit të “Ditës së Çlirimit të Vushtrrisë”, me titullin “**Qytetar nderi**” i Vushtrrisë nderohet z.Mohamed Soliman për kontributin e tij të dhënë për Komunën e Vushtrrisë si drejtor vendor i Islamik Relief Kosova.

2. Dorëzimi i këtij titull do të bëhet nga Kryetari i komunës më datë 17 qershor - “Ditën e Çlirimit të Vushtrrisë”.

3. Për zbatimin e këtij vendimi obligohen: Kryetari i komunës, Drejtorja për Kulturë, Rini dhe Sport, dhe Drejtorja për Buxhet dhe Financa.

4. Ky vendim hynë në fuqi shtatë (7) pas publikimit në faqen zyrtare të Komunës së Vushtrrisë.

**Kuvendi pas votimit me vota “unanime” lidhur me propozim-vendimin për ndarjen e titullit “Nderi i Qytetit” vendosi me sa vijon:**

1. Me këtë vendim, në rastin e shënimit të “Ditës së Çlirimit të Vushtrrisë”, me titulli “**Nderi i qytetit**”, për kontributin e dhënë për çështjen kombëtare nderohen:

**1.1. z. Ramadan Pllana, veprimtar i çështjes kombëtare dhe ish- burgosur politikë;**

**1.2. z. Xhemajl Pllana, veprimtar i çështjes kombëtare dhe ish-kryetar i Komunës së Vushtrrisë.**

2. Dorëzimi i këtyre dekoratave-titujve do të bëhet nga Kryetari i Komunës më datë 17 qershor- “Ditën e Çlirimit të Vushtrrisë”.

3. Për zbatimin e këtij vendimi obligohen: Kryetari i komunës, Drejtorja për Kulturë, Rini dhe Sport, dhe Drejtorja për Buxhet dhe Financa.

**Kuvendi pas votimit me vota “unanime” lidhur me propozim-vendimin për ndarjen e çmimit “Emblema e Vushtrrisë” vendosi me sa vijon:**

1.Me këtë vendim në rastin e shënimit të “Ditës së Çlirimit të Vushtrrisë”, me çmimin “**Emblema e Vushtrrisë**”, për kontributin e dhënë për çështjen kombëtare nderohen;

**1.1.z.Gani Imeri, ish-komandantë i Batalionit në Brigadën 141 “Mehë Uka”;**

**1.2.z.Avdyl Uka, krijues, shkrimtar dhe veprimtar i çështjes kombëtare;**

**1.3.z. Avni Imer (post-mortum), për kontributin e dhënë për çështjen kombëtare, i cili ishte ndër kontribuuesit kryesor në themelimin e Zonës Operative të Shalës të Ushtrisë Çlirimtare të Kosovës.**

2. Dekoratat nga pika një (1) e këtij vendimi do t'i dorëzohet Kryetari i komunës në ditën e shënimit të kësaj date, më 17 qershor 2023.

3. Për zbatimin e këtij vendimi obligohen: Zyra e Kryetarit dhe Drejtoria për Kulturë, Rini dhe Sport.

4. Ky vendim hynë në fuqi shtatë (7) pas publikimit në faqen zyrtare të Komunës së Vushtrrisë.

**Lidhur me propozim-vendimin për ndarjen e mirënjohje për nder të 17 qershorit ditës së çlirimit të Qytetit të Vushtrrisë, kuvendi zhvilloj votim të fshehtë ku pas përfundimit të këtij procesi dhe numërimit të votave nga ana e komisionit, u konstatua se nga 34 fletëvotime 29 fletëvotime ishin të vlefshme ndërsa 4 fletëvotime ishin të pavlefshme, andaj kuvendi vendosi me sa vijon:**

1. Me këtë vendim, Kuvendi i komunës për nder të “Ditës së Çlirimit të Vushtrrisë”, më 17 qershor ndan këto mirënjohje:

**1.1 Avdyl Bahtiri - (post mortum)**, për kontributin e dhënë për çështjen kombëtare, ish pjesëtar i UÇK-së dhe ish-punëtor i dalluar në fushën e arsimit;

**1.2 Muharrem Bregaj – (post mortum)**, për kontributin e dhënë për çlirimin e Kosovës, veteranë i UÇK-së;

**1.3 Avdi Gela -** për kontributin e dhënë si veteran i luftës së UÇK-së, si dhe veteran i arsimit;

**1.4 Avdi Uka –** për kontributin e dhënë si ish i burgosur, pjesëmarrës në Grevën e Minatorëve në vitin 1989 dhe veteran i UÇK-së;

**1.5 Dalip Maloku - (post mortum)**, për kontributin e dhënë për çlirimin e Kosovës, veteranë i UÇK-së;

**1.6 Halim Aliu- (post mortum)**, për kontributin e dhënë në Policën e Kosovës;

**1.7 Rifat Shaqiri-** për kontributin e dhënë, për çështjen kombëtare, veteranë i UÇK-së, dhe veteran në fushën e shëndetësisë;

**1.8 Shefki Pajaziti-(post mortum)**, për kontributin e dhënë si veteran i Ushtrisë Çlirimtare të Kosovës, i cili po ashtu ka dhënë kontribut të çmuar edhe si ushtarak i Forcës së Sigurisë së Kosovës;

**1.9 –Driton Zabergja-**veteran i Ushtrisë Çlirimtare të Kosovës, eprorë i lartë në Policinë e Kosovës;

**1.10. Bashkim Musa –** për kontributin e dhënë në organizime humanitare, organizues për ofrimin e ndihmës për familjet skamnore.

2. Për zbatimin e këtij vendimi obligohen: Zyra e Kryetarit të Komunës, Drejtoria për Kulturë, Rini dhe Sport dhe drejtoritë tjera kompetente komunale.

3. Shqyrtimi i Propozim-vendimit për ndryshimin dhe plotësimin e vendimit me numër të protokollit nr.79/23 i datës 30.03.2023 për Bartjen e të Hyrave vetanake të tejkaluara nga viti 2022 në vitin 2023;

**Pas shqyrtimit të kësaj pike të rendit të ditës, kuvendi pas votimit me vota “unanime” vendosi me sa vijon:**

<b>1. Mallrat dhe Shërbimet.....</b>	<b>464,095.51 €</b>
<b>2. Shpenzimet komunale.....</b>	<b>3,511.39 €</b>
<b>3. Subvencionet dhe Transferet .....</b>	<b>57,199.58 €</b>
<b>4. Shpenzime kapitale .....</b>	<b>191,613.46 €</b>
<b>Totali.....</b>	<b>716,419.94 €</b>

#### 1.Në kategorinë e Mallrat dhe shërbimet

Zyra e kryetarit (16024), shuma prej 30,000.00 €

Planifikimi urban dhe inspeksioni (66425), shuma prej 65,015.51 €

Infrastruktura publike (18184), shuma prej 126.080.00 €

Menaxhimi i fatkeqsive natyrore, (18468) shuma prej 50,000.00€

Administrata (92120), shuma prej 193,000.00 €

#### **2.Në kategorinë e Shpenzimet komunale**

Infrastruktura publike (18184), shuma prej 3,511.39 €

#### **3.Në kategorinë e Subvencionet dhe Transferet**

Zyra e kryetarit (16024), shuma prej 47,199.58 €

Administrata (73033), shuma prej 10,000.00 €

#### **4.Në kategorinë e shpenzimeve kapitale**

##### **Infrastruktura publike (18184), në projektet:**

Rregullimi i shtratit te lumit „Silnica" kodi (51830) shuma prej 110,000.00 €

##### **Planifikimi urban dhe Inspeksioni kodi (66425)**

Ndërtimi i parkut në Stanoc (I RI), shuma prej 37,800.42 €

##### **Bujqësia (47024), në projektet:**

Rregullimi dhe pastrimi i lumit Llap- Silnica kodi (52290), shuma prej 43,813.04 €

Me këtë vendim është ndryshuar pika e vendimit me numër të protokollit nr.79/23 i datës 30.03.2023 për bartjen e të hyrave vetanake të tejkaluara nga viti 2022 në vitin 2023, ashtu që shuma e mjeteve financiare prej 10,000.00 € nga kategoria paga dhe mëditje është bartur në kategorinë subvencione dhe transfere në zyrën e kryetarit.

Për zbatimin e këtij vendimi obligohet: Drejtoria për Buxhet dhe Financa dhe drejtoritë tjera kompetente komunale.

Ky vendim hyn fuqi pesëmbëdhjetë (15) ditë pas regjistrimit në Zyrën e Protokollit në Ministrinë e Administrimit të Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

4. Shqyrtimi i Propozim-vendimit për ndryshimin dhe plotësimin e vendimit me numër të protokollit nr.80/23 i datës 30.03.2023 për Bartjen e të Hyrave Vetanake nga viti 2022 në vitin 2023

**Pas shqyrtimit të kësaj pike të rendit të ditës, kuvendi pas votimit me vota “unanime” vendosi me sa vijon:**

Me këtë vendim bëhet bartja e të hyrave vetanake për vitin 2022 në vitin 2023 në kategoritë si në vijim:

Mallrat dhe Shërbimet.....	619,076.38 €
Shpenzimet komunale.....	5,000.00 €
Subvencionet dhe Transferet .....	65,100.00 €
Shpenzime kapitale .....	896,440.56 €
<b>Totali.....</b>	<b>1,585,616.94 €</b>

**Në kategorinë Mallrat dhe shërbimet, bartja bëhet si në vijim:**

Zyra e kryetarit (16024), shuma prej **30,000.00 €**  
Administrata (16324), shuma prej **10,000.00 €**  
Inspektimet (16647), shuma prej **3,000.00 €**  
Zyra e Kuvendit Komunal (16924), shuma prej **1,000.00 €**  
Buxhetimi (17524), shuma prej **2,000.00 €**  
Infrastruktura publike (18184), shuma prej **150,000.00 €**  
Menaxhimi i fatkeqsive natyrore, (18468) shuma prej **50,000.00 €**  
Planifikimi urban dhe inspeksioni (66425), shuma prej **75,000.00 €**  
Administarta (73033), shuma prej **1,300.00 €**  
Shërbimet e shëndetësisë primare (74450), shuma prej **40,000.00 €**  
Shërbimet Sociale-Vushtrri (75616), shuma prej **950.38 €**



Shërbimet kulturore (85024), shuma prej **6,000.00 €**  
Administrata (92120), shuma prej **208,915.00 €**  
Arsimi parshkollor (92670), shuma prej **34,329.00 €**  
Arsimi i mesëm i lartë (94890), shuma prej **6,582.00 €**

**Në kategorinë ekonomike shpenzimet komunale bartja e mjeteve finciare bëhet si në vijim:**  
Infrastruktura publike (18184), shuma prej **5,000.00 €**

**Në kategorinë ekonomike Subvencionet dhe Transferet bartja e mjeteve finciare bëhet si në vijim:**

Zyra e kryetarit (16024), shuma prej **50,000.00 €**  
Administarta (73033), shuma prej **10,000.00 €**  
Shërbimet e shëndetësisë primare (74450), shuma prej **100.00 €**  
Administrata (92120), shuma prej **5,000.00 €**

**Në kategorinë ekonomike shpenzime kapitale bartja e mjeteve finciare bëhet si në vijim:**

**Administrata (16324), në projektin:**

Ngrohja qendrore për administratën Komunale kodit (51814), shuma prej **15,000.00 €**

**Infrastruktura publike (18184), në projektet:**

Sinjalizimi horizontal dhe vertikal rr."Dëshmorë e Kombit", "I.Qemajli", "Bekim Berisha" kodit (51822), shuma prej **19,821.00 €**

Rikonstruktimi i rrugëve te asfaltuara "2 Maji", "Hamit Hyseni", "Xhemajl Jashari" kodit (51828), shuma prej **20,000.00 €**

Ndriçimi publik në Vushtrri, Doberrlukë, Maxhunaj, Stanoc kodit (51831), shuma prej **584.00€**

Rregullimi i shtratit te lumit „Silnica" kodit (51830) shuma prej **110,000.00 €**

Ndërtimi i trotuareve në Vushtrri, Stanoc, Smrekonicë kodit (51821),shuma prej **1,070.00 €**

Rregullimi i sheshit "Adem Jashari" në Vushtrri, kodit (i ri), shuma prej **19,000.00 €**

**Sherbimet kulturore (85024), në projektet:**

Ndërtimi pllakave përkujtimore në Pasomë (51851), shuma prej **20,000.00 €**

Renovimi i palestës "Jeton Tërstena" (51007), shuma prej **29,901.00 €**

Ndërtimi i objektit ndihmës ne stadiumin „Ferki Aliu" (51847), shuma prej **20,000.00 €**

**Bujqësia (47024), në projektet:**

Projektet në bashkëfinancim me donatorë kodit (49561) ), shuma prej **82,240.00 €**

Rregullimi dhe pastrimi i lumit Llap- Silnica kodit (52290), shuma prej **60,000.00 €**

**Planifikimi urban dhe inspeksioni (66425), në projektet:**

Asfaltimi i rr, Vesekoc – Sllakovc (52188), shuma prej **80,000.00 €**

Ndërt.rrug.lokale në fshatra – Akrashticë, Vërnice (i ri) shuma prej **166,623.00 €**

Ndërtimi i parkut ne Stanoc, kodi (i ri) , shuma prej **50,185.00 €**  
Mbjellja e drunjve dekorativ kodi (49588), shuma prej **3,000.00 €**

**Shërbimet e shëndetësisë primare (74450), në projektet:**

Blerja e automjetit të terrenit QKMF-Vushtrri kodi (52752), shuma prej **8,500.00 €**

Ndërtimi i zyrave administrative në QKMF (52190), shuma prej **31,000.00 €**

Ndërtimi i objektit për laborator në fsh. Lumadh (I RI), shuma prej **3,042.00 €**

**Shërbimet Rezidenciale – Vushtrri (75617), në projektin:**

Blerja e veturës për Shërbimet rezidenciale kodi (53625), shuma prej **5,000.00 €**

**Arsimi fillor, i mesëm i ulët (93690), në projektet:**

Meremetimi i SHFMU "Rexhep Musa" kodi (51870), shuma prej **3,833.00 €**

Meremetimi i SHFMU "Mihaliq" kodi (51869), shuma prej **550.00 €**

Meremetimi i SHMU „Enver Hadari" - Smrekonicë kodi (51866), shuma prej **950.00 €**

Renovimi i shf "Ali Kelmendi" kodi (53055), shuma prej **6,355.00 €**

Meremetimi i SHMU "Adem Voca" Pasomë kodi (51864), shuma prej **1,550.00€**

Ndërtimi i toaleteve ne SHMU"Emin Duraku" kodi (51854), shuma prej **44,319.56 €**

Ndërtimi i fushes sportive dhe rrethojes ne SHFMU-Smrekonice kodi (I RI), shuma prej **10,270.00 €**

Ndërtimi i rrethojave në SHMU "Mustafë Shyti" Oshlan kodi (51862), shuma prej **1,564.00 €**

Ndërtimi i rrethojave ne SHFU "Rilindja" Vilanc kodi (51863), shuma prej **1,346.00 €**

Meremetimi i SHMU-I Vushtrri kodi (I RI), shuma prej **7,950.00 €**

Renovimi i shkolles "Hajrullah Shala" në Akrashtice kodi (I RI), shuma prej **6,157.00 €**

**Arsimi i mesëm i lartë (94890), në projektet:**

Paisje për praktike profesionale SHMP "Bahri Haxha" kodi (51874), shuma prej **36,699.00 €**

Kaldaja për ngrohje qendrore "Lutfi Musiqi" SHMU II kodi (51875), shuma prej **12,939.00 €**

Ndërtimi i punetorisë dhe kabinetëve në SHMT "Lutfi Musiqi" (i ri), shuma prej **16,992.00€**

**Me këtë vendim është ndryshuar pika e vendimit me numër të protokollit nr.80/23 i datës 30.03.2023 për bartjen e të hyrave vetanake nga viti 2022 në vitin 2023, ashtu që shuma e mjeteve financiare prej 10,000.00 € nga kategoria paga dhe mëditje është bartur në kategorinë subvencione dhe transfere në zyrën e kryetarit.**

Për zbatimin e këtij vendimi obligohet: Drejtoria për Buxhet dhe Financa dhe drejtoritë tjera kompetente komunale.

Ky vendim hyn fuqi pesëmbëdhjetë (15) ditë pas regjistrimit në Zyrën e Protokollit në Ministrinë e Administrimit të Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

5. Shqyrtimi dhe aprovimi i Draft – Rregullores për Punën e Komiteteve dhe Komisioneve të Kuvendit të Komunës së Vushtrrisë;

**Ilmi Azemi, anëtar i kuvendit**-deklaroi se kjo draft-rregullore i ka kaluar të gjitha procedurat ligjore, komisioni ka mbajtur edhe diskutim dhe dëgjim publik dhe të njëjtën e ka procedura në shqyrtim në mbledhjen e Komitetit për Politikë dhe Financa, ndërsa komiteti e ka dërguar për aprovim në kuvend. Po ashtu njoftoj se propozimet e bëra me shkrim nga z.Haki Maloku i janë dërguar të gjithë anëtarëve të kuvendit dhe të njëjtat kërkoj të jenë pjesë përbërëse të kësaj rregulloreje. Ndërsa tek neni 12 hyrja në fuqi e kësaj rregulloreje kërkoj të shtohet një nenë i ri me këtë tekst: Me hyrjen në fuqi të kësaj rregulloreje pushojnë të vlejnjë dispozitat e Rregullores për punën e kuvendit dhe organeve të tij me Nr. 71/13 e datës 04.04.2013, sa i përket neneve që rregullojnë punën e komiteteve. Kjo për faktin se rregullorja e punës së kuvendit mbetet në fuqi sa i përket punës së kuvendit, por vetëm duhet të mënjanohet dualizmi sa i përket rregullimit të punës së komiteteve.

**Sylejman Mehulli, anëtar i kuvendit**-kërkoj që posa të kalojnë afatet ligjore dhe të merret konfirmimi i ligjshmërisë së kësaj rregulloreje të thirret një mbledhje e jashtëzakonshme për të proceduar me zgjedhjen e këtyre komiteteve tjera sipas ligjit.

**Bekim Zabërgja, anëtar i kuvendit** –vlerësoi dhe njoftoi se kuvendi ka themeluar një komision për ndryshimin dhe plotësimin e rregullores për punën e kuvendit dhe organeve të tij, dhe për këtë ai kërkojë që shtyhet kjo pikë e rendit të ditës me qëllimin më të mirë që këto rregullore të harmonizohen njëra me tjetrën. Tutje ai parashtroj vërejtjet e tij duke ju referua rregullores ku thuhet se: Për çdo vendim të marrë nga Kuvendi Komunal, maksimum do të paguhet tri takime punuese të komisioneve respektive. Kjo bie në kundërshtim me Udhëzimin Administrativë nr.05/2020, për faktin se anëtarët e komiteteve tjera për punën që bëjnë kompensohen nga buxheti i komunës të cilët kompensohen për gjashtë mbledhje që mbahen brenda vitit. Po ashtu edhe vlera e kompensimit nuk është në harmoni me udhëzimin administrativë.

**Ilmi Azemi, anëtar i kuvendit**-deklaroi se nuk qëndron konstatimi sa komisioni për hartimin e kësaj rregulloreje ka tejkaluar kompetencat e tij duke intreferuar në rregulloren e punës së kuvendit, kjo për faktin se shfuqizimi i asaj rregulloreje bëhet vetëm sa i përket punës së komiteteve. Tutje konsideroj dhe vlerësoi se këto rregullore nuk kanë një gamë të përbashkët njëra me tjetrën dhe nuk shkaktojnë impakt tek njëra tjetra, andaj propozoi që kjo rregullore të del në votim dhe e njëjta të aprovohet.

**Bekim Zabërgja, anëtar i kuvendit** –përsëri se kjo rregullore është hartuar në kundërshtim me udhëzimet administrative dhe për këto ai ka propozuar të bëhet një rregullore e përbashkët për kuvendi dhe komitete. Në të kundërtën nëse votohet në këtë formë atëherë ai do të drejtohet MAPL-së duke e ankimuar këtë rregullore.

**Ismet Gashi, udhëheqës i Zyrës Ligjore**-tha se kjo rregullore nuk bie ndesh me Udhëzimin Administrativ për formimin e komiteteve të përhershme sepse paragrafi që flet për kompensimin ju referohet komisioneve ad-hoc që i formon kuvend për lehtësimin e punës së tij dhe nuk bëhet fjalë për komitetet tjera.

**Sylejman Mehulli, anëtar i kuvendit**-tha se kjo rregullore nuk bie ndesh me asnjë ligj të fushë së vetëqeverisje lokale dhe shtoj se themelimi i këtyre komiteteve tjera nuk ka të bëjë fare me komitetet e përhershme. Tutje shtoi se Komuna e Vushtrrisë është vonuar shumë në themelimin e komiteteve tjera në fushat përkatëse që do ta japin kontributin e tyre për zhvillimin e komunës. Kërkoj që kjo rregullore të aprovohet dhe të procedohet tutje themelimi i këtyre komiteteve.

**Bekim Zabërgja, anëtar i kuvendit**-pyeti zyrtarin ligjor se ku janë bazuar kur kanë vendosur që komisionet t' i mbajnë vetëm tri takime në vit, sepse në këtë rang hynë edhe Komisioni për zgjidhjen e Këshillave Lokal dhe ai për Verifikimin e Pronës Komunale.

**Në fund të debatit lidhur me këtë pikë të rendit të ditës, kuvendit pas votimit me 27 vota "për" 2 vota "kundër" aprovoj Draft – Rregulloren për Punën e Komiteteve dhe Komisioneve të Kuvendit të Komunës së Vushtrrisë, me propozimet e bëra në formë të shkruar nga z.Haki Maloku.**

6. Shqyrtimi i Informatës lidhur me gjendjen dhe mbrojtjen e pyjeve në Komunën e Vushtrrisë për vitin 2022;

7. Shqyrtimi i Propozim-vendimit për kompensimin të anëtarëve të Komisionit për verifikimin e procesit të dhënies në shfrytëzimin të pronës komunale;

**Isuf Jashari, drejtor i DBF-së-sqaroi se mjetet financiare për zbatimin e këtij vendimi do të merren nga kategoria paga dhe mëditje.**

**Bekim Zabërgja, anëtar i kuvendit** –deklaroi se shuma e kompensimit për mbledhje do të jetë 30 € për anëtar.

**Pas shqyrtimit të kësaj pike të rendit të ditës, kuvendi pas votimit me vota "unanime" vendosi me sa vijon:**

1. Me këtë vendim, lejohet kompensimi i anëtarëve të komisionit kuvendar për verifikimin e procesit të dhënies në shfrytëzim të pronës komunale.
2. Lartësia e kompensimit për çdo takim caktohet në shumën prej 30€ për anëtar të komisionit, në bazë të procesverbalit për mbajtjen e takimit.
3. Mjetet financiare për zbatimin e këtij vendimi do të sigurohen nga kategoria paga dhe mëditje.
4. Kompensimi i këtyre komisioneve do të bëhet konform legjislacionit në fuqi.
5. Për zbatimin e këtij vendimi obligohet: Drejtoria për Buxhet dhe Financa, dhe drejtoritë tjera kompetente komunale.
6. Ky vendim hyn në fuqi pesëmbëdhjetë (15) ditë pas regjistrimit në zyrën e Protokollit në Ministrinë e Administrimit të Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

**Mbledhja përfundoi në ora: 14:30.**

**Bastri Duraku**

  
Procesmbajtës

**Melihate Basholli-Latifi**

  
Kryesuesë e Kuvendit

